

## Ályktanir landsfundar

### Reykholtfundurinn landsfrægi

Á Landsfundi Samtaka um kvennalista sem haldinn var í Reykholti 30. okt. - 1.nóv. 1998 var ekki bara rætt um þáttöku eða ekki þáttöku í sameiginlegu framboð. Þó að sú ákvörðun afi verið það eina sem fjölmíðlamir fjölluðu um og reyndar það sem fréttamennimur biðu eftir, þá ræddum við ýmislegt annað á landsfundinum. Umhverfismál voru í brennidepli og voru samþykktar ályktanir um þau. Þar voru, auk ályktanar um sameiginlegt framboð, eftirfarandi ályktanir samþykktar.

#### Ályktun Landsfundar Samtaka um kvennalista í Reykholti 30.október til 1. nóvember 1998

Kvenfrelsistefnan kom eins og ferskur andblær inn í staðnaða stjórmálaumræðu á Íslandi með kvennaframboðum hinum síðari fyrir 17 árum.

Engin stefna hefur hrist jafn rækilega upp í hugsun og viðhorfi til þjóðfélagsins og þeirra gilda sem íslenskt samfélag byggir á.

Síðan þá hafa kvenfrelsissinnar, konur og karlar kosið að finna þáttöku sinni í pólitík farveg í sérframboðum kvenna. Með þeim hætti hafa mörg veigamikil baráttumál náðst í höfn. Prátt fyrir að margt hafi áunnist í starfi undanfarinna ára, sanna dæmin að stöðugt aðhald, skýr pólitísk markmið og viljinn til þess að framfylgja þeim á öllum sviðum þjóðfélagsins, eru jafn mikilvæg kvenfrelsistefnunni nú og áður.

Frá því að kvennalistakonur komu síðast saman til landsfundar hafa kraftar þeirra beinst að undirbúnungi sameiginlegs framboðs með Alþýðubandalagi og Alþýðuflokki í alþingiskosningum á vori komanda. Með samþykkt Landsfundar Samtaka um kvennalista um samstarf ófangreinda aðila er brotið blað i sögu íslenskrar kvenfrelsisbaráttu.

Kvennalistinn hefur með ákvörðun sinni kosið að vera fullgildur þátttakandi í að móta nýja stefnu til næstu aldar, þar sem kvenfrelsi, jöfnuður og félagshygga eru í fyrirumi. Með þessu vill Kvennalistinn tryggja stefnumálum sínum áframhaldandi framgang á Alþingi Íslendinga. Hin nýja samfylking mun leggja áherslu á að standa vörð um heilbrigðis-, félags- og menntakerfið. Jafnframt mun samfylkingin hafa umhverfismál og sjálfbæra þróun í fyrirumi og koma á sanngjami skiptingu á arði af auðlindum landsins. Landsfundurinn lítur svo á að hér sé nýtt tækifæri til að koma baráttumálum kvenna í framkvæmd á ným old.

1998 1998

## Ályktanir landsfundar

#### Ályktun um umhverfismál

Landsfundur Samtaka um kvennalista 31. okt. - 1. nóv. 1998 hvetur landsmenn alla til að standa traustan vörð um lífriki landsins og sjálfbæra nýtingu auðlinda okkar.

Jafnframt hvetur landsfundurinn Alþingi til að hraða setningu laga um rannsóknir á lífríkinu svo að forða megi frá rányrkju.

#### Áskorun á umhverfisráðherra

Landsfundur Samtaka um kvennalista haldinn í Reykholti 30.10. -1.11. 1998 skorar á umhverfisráðherra að beita sér fyrir lagasetningu þar sem fellt verði úr gildi leyfi Landsvirkjunar til að virkja Jökulsá í Fljótsdal. Nýtt virkjanaleyfi yrði háð lögformlegu mati á umhverfisáhrifum. Einnig er skorað á umhverfisráðherra að hann beiti sér fyrir friðlýsingu Snæfells og Vesturöræfa og tilnefni Eyjabakka sem Ramsarsvæði.

Landsfundurinn skorar á ríkisstjórnina að móta stefnu í nýtingu náttúruauðlinda landsins með það að markmiði að vernda ósnortin víðerni og aðrar helstu gersemar í náttúru Íslands.

*Samtök um kvennalista hafa fengið nýtt netfang:  
kvennalistinn@kvennalistinn.is*

*Ný og endurbætt heimasíða birtist á vefnum innan tíðar,  
slóðin er <http://www.kvennalistinn.is>*